

UKUHLOLWA KUKAJUNI 2015( JUNE 11)  
ISIZULUL ULIMI LOKUQALA LOKWEMIBALWANE  
ADDITIONAL LANGUAGE)

IBANGA LESHUMI NANYE( GRADE 11)  
IPHEPHA LESITHATHU (PAPER 3)

MOTHER TONGUE SPEAKERS ONLY

ISIKHATHI : 2 AMAHORA

IMIYALELO KWABAHLOLWAYO:

- Funda lonke iphepha ngaphambi kokuba uqale.
- Phendula umbuzo owodwa esiqeshini ngasiqeshini.
- Bhala isiZulu esihle.
- Bhala ngopelomagama olumukelekile nesanokuba ngokufanelekile.
- QALA ISIQEPHU NGASINYE EKHASIN

## **ISIQEPHU A : INDABA**

### **Umbuzo 1**

Khetha isihloko ESISODWA kwezilandelayo ubhale ngaso indaba ibe ngamagama ayi-190 kuya kwangama -240

**QAPHELA:**Bhala uhlaka lwendaba yakho lube sekhasini lwalo lodwa luqhamuke ngaphambi kwendaba.

1.1 Abantu abaningi abadala bakuthola kunzima ukusebenzisa izinto zobuchwepheshe bethekholoji bethembele ezinganeni zabo ukuba zibasize.Bhala indaba ngesihloko esithi:

Ubuhle Nobubi Kokwethembela Kwabazali Ezinganeni Ngethekholoji. [50]

1.2.UHulumeni ukhipha imali yesibonelelo sezingane ukuze asize abantwana abahluphekayo.Kunemibono eyahlukene ngemithelela yale mali entsheni.Bhala indaba ngesihloko esithi:

Imithelela Yemali Yesibonelelo Sabantwana Emiphakathini. [50]

1.3. INingizimu Afrika ibhekene nenkinga yokuhlaselelwa kwabantu bakwamanye amazwe Ase-Afrika.Bhala indaba ngesihloko esithi :

Kungani Kunalolu dlame Olubhekiswe KuMa-afrika ? [50]

1.4. Bhala indaba ngalesi sihloko:

Ukube Ngalalela Abazali Bami Ngabe Angikho Kulolu Sizi. [50]

5. Khetha isibonisi ESISODWA kulezi ezilandelayo bese ubhala indaba ngalokho  
okwakwenzayo emqondweni. Yinike isihloko indaba yakho.


5.1



[icashunwe ku-[www.novadevelopment.com](http://www.novadevelopment.com)]


[50]

5.2



[icashunwe ku-[www.novadevelopment.com](http://www.novadevelopment.com)]

[50]



## ISIQEPHU B : IMIBHALO EMIDE EDLULISA UMYALEZO

### UMBUZO 2

Khetha isihloko ESISODWA ubhale ngaso kube ngamagama angama -80 kuya kwayi- 100.

- 2.1. Bhalela uMphathi kwaNdabazabantu **incwadi** uncome impatho enhle oyithole uye kwelinye lamahhovisi alo mnyango uyolungisa inking ngephasiphothi yakho. Veza ukuthi yiliphi leli hhovisi nokuthi ibinankingani le phasiphothi yakho. [30]
- 2.2. Umshayeli wemoto ethwala izidumbu ubehamba ngesivinini esiphezulu kakhulu, kanti amaphoyisa omgwaqo ayambona. Ammisile amaphoyisa umshayeli axoxa na ngalesi senzo sokwephula umthetho. Bhala **ingxoxo** phakathi kwalo mshayeli nephoyisa lomgwaqo. [30]
- 2.3. Umzala wakho ebenizwana (close) kakhulu naye ushone engozini yemoto. Abomndeni banike wena umsebenzi wokubhala umlando wakhe ozofundwa ngosuku lomngcwabo. Bhala **umlando kamufi**. [30]

AMAMAKI ESIQEPHU B:30

## ISIQEPHU C: IMIBHALO EMIFISHANE EDLULISA IMIYALEZO

### Umbuzo 3

Khetha isihloko ESISODWA ubhale ngaso kube ngamagama angama -60 kuya kwangama- 80.

- 3.1. Abazali bakho bazokwenzela umgubho (celebration) wosuku lwakho lokuzalwa lweminyaka eyi-16. Bhala **ikhadi lesimemo** ozolithumela abangani bakho ofisa babe khona. [2]
- 3.2. Ubambele umama wakho ebhizinisini lakhe lokuhlela imicimbi njengoba yena esahambele phesheya kwezilwandle izinsuku **ezinhlanu**. Bhala **idayari** yezinto ozobe uzenza kulezo nsuku. [2]
- 3.3. Ukweswela kwakho umsebenzi emuva kokuba uqede imfundo yakho eNyuvesi kukukhuthaze ukuba uziqalele ibhizinisi lakho elincane. Bhala **isikhangiso** saleli bhizinisi ukuze abantu abaningi bezolazi. [2]